

WAIATA

HIMENE A RAWIRI

E te Ariki e taria ana koe te whakamoemiti ...

Māu e whakamana ngā kupu taurangi ...

E te kai whakarongo inoi ...

E haere katoa mai ana ōu hāhi ki a koe ...

Aue he kaihanga hoki ia nō ngā Ao ...

Koia te kanapatanga o tōna kororia ...

Ko te tino āhua o tōna pūmautanga ...

Ka oti i a ia ake te horoi o tātou hara ...

Kia iti nei te whakaputa i te kupu a tōu mangai ...

Kei tukua te kupu whakahī a tōu ngākau ...

Kei rite koe ki te tangata e haere ana i runga o te pūhore ...

Te ai he okiokinga kupu māna ...

Aue e te Atua me tuku mai he tānga manawa ...

Mō tōu iwi mō ngā toenga o Iharaira ...

He inoi he noho puku tā ngā ngutu ...

He whakahaweā ia tā te ngākau ...

Whakakmoemititia, whakapaingia ... to tātou matua ake ake

...

Panui Tuatahi

Tukua atu ki a Ihowa e nga hapu o nga iwi nei

Tukua atu ki a Ihowa te kororia me te kaha

Kia wehi ra ki tona aroaro e nga iwi nei katoa

E u ana te whenua me nga tangata o runga

E kore e taea te whakanekeneke

Kei tona ringa nei te wairua o nga mea ora katoa

Te manawa hoki o nga kikokiko tangata katoa

He teka ia nei e whakamatautauria ana nga kupu e te taringa

E kitea ana te reka o tana kai, e te waha waiho ra

Kei te roa o nga ra te matauranga.

Na Ihowa nei hoki te whakaoranga

Kei runga i a tatou tana manaakitanga.

Ko te kupu tenei a Ihowa whakamutua te tangi a tou reo

Nga roimata ou kanohi, no te mea ka whai utu to mahi e ai

Ki ta Ihowa.....

A ka hoki atu ki te whenua o te hoa riri.

Ka whai tumanakohanga atu to whakamutungua e ai ki ta

Ihowa....

A ka hoki nga tamariki ki to ratou rohe.

Rapua a Ihowa e te hunga mahaki e noho nei

Mahia tana whakaritenga, whakawa, rapua te kororia me te

kaha

Me kore koutou e uru ki te ra o tana riri

Ko te wehi ki a Ihowa te timatanga o te matauranga

Ka hatepea atu e ia te hunga kino i runga i te whenua.

Ahakoia e whitu hinganga o te tangata tika

Ka ara ano ki te hinga tou hoa riri, kei whakamanamana koe.

WAIATA A RAWIRI

E Ihowa kua aro mai koe ki tou whenua; kua whakahokia mai e koe a Hakopa I whakaponongatia nei....Kua murua e koe te kino o tou iwi, kua hipokina e koe o ratou hara katoa. Kua whakakahoretia katoatia e koe to weriweri: kua tahuri atu koe I te aritaritatanga o to riri. Whakahokia ake matou e te Atua o to matou whakaoranga: kia mutu hoki to riri ki a matotu... E riri rānei koe ki a matou ake ake? E mauahara tonu rānei koe, a tena whakatipuranga tena whakatipuranga? E kore ia nei koe e whakahoki ake I a matou ki te ora: kia hari ai tou iwi ki a koe? E Ihowa whakakitea mai tau mahi tonu ki a matou: tukua mai hoki ki a matou tau whakaoranga. Ka whakarongo atu ahau ki ta te Atua, ki ta Ihowa e korero ai: no te mea hoki mo te rongo mau ana korero ki tona iwi, ki tona hunga tapu hoki; kua ia ratou e hoki atu ki te wairangi.... He pono e tata ana tana whakaoranga ki te hunga e wehi ana I a ia; kia noho ai te kororia ki to te whenua. Kua tutaki te mahi tohu raua ko te pono: kua kihi ki a raua te tika me te rongo mau: E tipu ake te pono I te whenua, a e I titiro iho te tika I te rangi. Ae ka homai e Ihowa te mea pai: a ka tukua mai ona hua e to tātou whenua...Ka haere te tika ki mua I a ia; hei whakaatu I a tātou ki te ara o ana hikoinga.

NGA MOTEATEA

Tera Te Ahi: Whakatōhea

Tērā te ahi e kā mai rā

Kei nukuwai

Nā to ringa rawa, koe, i tahu mai

Kia mihi atu au

Hohoro koe nā te kau mai rā

Hei tokorua

Hei hoa ake ki te moenga

E tūohu nei.

E muri ahiahi: Whakatōhea

E muri ahiahi e

Takoto ki te moenga

ka haramai te aroha e

Ka kai kino i ahau e

Me aha te aroha e...

E māhuru iho ai

Me kawe rawa rā e

Ki te wai wehe ai e

Koutou i tua o ngā hiwi e...

Tēnei te matua

Ka wehe i te iwi e

Nāku i tuku atu

Ki te tini o te kura e

I wehea atu ai

E tātari atu ana e

Kia puta mai koe

Hei wehe i te aroha e

Ki te konohinohi

o roto i ahau nā i

Maruhia

Maruhia atu i runga o Tirohanga

Te tohu Whakaari

Whakarerea atu te whaiwhaiā te mate tonu atu

Whakaihu Moutohora, Taapapa ana te Rae-o-Kōhi

Te mate te whakama e patu

Ana muriwai to ringa te waka

Hiko te uira, haruru te rangi, ngaoko te whenua, ika huirua

Tapu te wai, tapu te tai, ki tera to awa te Atua, eke Arawa

Whakaheke matamoe, Waipiko hurihia rurima tututara noa
mua iho koe

Rukuhia te hapuku te wheke tapu te moana

Toia to Ohope, Nga mata tu timu te koko nga tamāhine a te
Whakatōhea

Takahia te pipi tahe aku potiki, Pakihi kura ki uta, kura ki
waho

Kapakapa huki te wai, Paara takoto te one

Koopu e oho kai kirikiri tuatua, Waiaua te kai a te karoro koa

Koeaea e,

Tapu te paru titiko e

Nukutere, Te Rangi, Awaawakino

Nga Tai nui, Nga Tai Roa

Kopua patiki, huki te pakake

Mirohia atu nga wai, o wai oma hau

Hiia te mure, Tokaroa kei waho, kei uta Parinui

Taatahi

Whatawhata kahawai, paaraharaha ika iti

Ohinemotu

Aukati pahau

Pou tu ana te ure

Tapu te awa o Hekopara

Totoia atu totoia mai

Mai nga kuri a wharei ki tihirau

E i te tapu o Muriwai e